



Republika e Kosovës

Komuna e Drenasit

Kuvendi i Komunës



Nr. 01-060/04-5324 dt. 03.02. 2022

PROCESVERBALI

I mbledhjes së Komitetit për Politikë dhe Financa të mbajtur më dt. 19.01.2022, ora 10:00.

Mbledhjen ë kryesoi: Milaim Hajdari- Kryesues

Kryesuesi deklaroi të hapura punimet e mbledhjes të Komitetit për Politikë dhe Financa ku të pranishëm ishin të gjithë anëtarët e Komitetit për Politikë dhe Financa, si dhe Kryetari i Komunës Ramiz Lladrovci, drejtor të drejtorive komunale.

Komiteti filloi punimet më këtë:

Rend dite:

1. Betimi i antarës znj. Blerina Gashi antare e Kuvendit Komunal në Drenas nga subjekti politik "Partia Demokratike e Kosovës" (PDK), duke e zëvendësuar antarën e Kuvendit Komunal znj. Egzona Jetullahut.
2. Raporti vjetor i Komitetit Konsultativ për Persona me Aftësi të Kufizua për vitin 2021
3. Plani i vjetor i punës së Kuvendit të Komunës për vitin 2022
4. Plani i vjetor i punës së Kryetarit të Komunës për vitin 2022
5. Propozim Vendim për shfuqizimin e vendimit Nr. 12-400/01-65504, të dt. 23.12.2021.
6. Propozim Vendim për financimin e projektit Start-Up nga kategoria e subvencioneve **Kaltrina Dvorani**.
7. Propozim Vendim për financimin e projektit Start-Up nga kategoria e subvencioneve **Fitore Bytyqi**
8. Propozim Vendim për financimin e projektit Start-Up nga kategoria e subvencioneve **Besarta Elshani**.
9. Propozim Vendim për financimin e projektit Start-Up nga kategoria e subvencioneve **Erleta Gjoshi**
10. Propozim Vendim për financimin e projektit Start-Up nga kategoria e subvencioneve **Medina Hoxha-Hyseni**.
11. Propozim Vendim për financimin e projektit Start-Up nga kategoria e subvencioneve **Qendresa Bajraktari**.
12. Propozim Vendim për financimin e projektit Start-Up nga kategoria e subvencioneve **Mejreme Morina**.

13. Propozim Vendim për financimin e projektit Start-Up nga kategoria e subvencioneve **Rajmonda Hasi**.
14. Propozim Vendim për financimin e projektit Start-Up nga kategoria e subvencioneve **Hamide Gashi**.
15. Propozim Vendim për financimin e projektit Start-Up nga kategoria e subvencioneve **Mihane Hyseni**.
16. Propozim Vendim për formimin e komisionit për plotsim të ndryshimin e statutit Nr.12.-060/05-14928, të datës 30.04.2020,të Ndermarrjes Publike Lokale “Stacioni i Autobusëve” në Drenas.
17. Propozim Vendim për formimin e Komisionit Vlerësues për zbatimin e procedurave të dhënies në Shfrytëzim të pronës së paluajtshme të Komunës.
18. Raporti Financiar i zhvillimit të Buxhetit Janar –Dhjetor 2021.
19. Lista e rreziqeve Komunale për vitin 2022.
20. Raporti vjetor i Komitetit Konsultativ për Arsim Kulturë Rini dhe Sport. për vitin 2021.
21. Raporti vjetor i Komitetit Konsultativ për Zhvillim Ekonomik Mbrojtje të Ambientit Shëndetësi dhe Mirëqenie Sociale për vitin 2021 .
22. Raporti vjetor i Komitetit Konsultativ për Komiteti për Barazi Gjinore për vitin 2021.
23. Të ndryshme.

Kryesuesi i Kuvendit Komunal Milaim Hajdari- pasi përshëndeti të pranishmit, deklaroi të hapura punimet e mbledhjes të Komitetit për Politikë dhe Financa, ku prezantoi rendin e ditës, pasi që nuk pati diskutime, vërejtje apo sugjerime kryesuesi hodhi në votim rendin e ditës, prezent gjatë votimit ishin 7 anëtar dhe votuan në mënyrë unanime.

Kryesuesi i Kuvendit Komunal Milaim Hajdari- meqë të pika parë Betimi i anëtares znj. Blerina Gashi anëtare e Kuvendit Komunal në Drenas nga subjekti politik “Partia Demokratike e Kosovës” (PDK), duke e zëvendësuar anëtarin e Kuvendit Komunal znj.Egzona Jetullahut, meqë kjo pikë nuk votohet e rekomandojmë për Kuvend.

Kryesuesi i Kuvendit Komunal Milaim Hajdari- hapi diskutimin për pikën e dytë të rendit të ditës: **2. Raporti vjetor i Komitetit Konsultativ për Persona me Aftësi të Kufizua për vitin 2021**, pasi që nuk pati diskutime edhe këtë pikë të rendit të ditës e rekomandojmë për Kuvend.

Kryesuesi i Kuvendit Komunal Milaim Hajdari- hapi diskutimin për pikën e tretë të rendit të ditës: **3. Plani i vjetor i punës së Kuvendit të Komunës për vitin 2022.**

Pasi që nuk pati diskutime, vërejtje apo sugjerime kryesuesi hodhi në votim këtë pikë të rendit të ditës, prezent gjatë votimit ishin 7 anëtar dhe votuan me:

07 vota (**Për**), kundër nuk pati, abstenim nuk pati.

Kryesuesi i Kuvendit Komunal Milaim Hajdari- hapi diskutimin për pikën e katër të rendit të ditës: **4. Plani i vjetor i punës së Kryetarit të Komunës për vitin 2022**

Pasi që nuk pati diskutime, vërejtje apo sugjerime kryesuesi kërkoj nga anëtarët e KPF-së që a pajtohen me këtë pikë të rendit të ditës të rekomandojmë për kuvend, te gjithë anëtarët e KPF-së votuan në mënyrë unanime që kjo pikë të kaloj në kuvend.

Kryesuesi i Kuvendit Komunal Milaim Hajdari- hapi diskutimin për pikën e pestë të rendit të ditës: **5. Propozim Vendim për shfuqizimin e vendimit Nr. 12-400/01-65504, të dt. 23.12.2021.**

Kryetari i Komunës Ramiz Lladrovci, vendimin për taksa, tarifa dhe gjoba e kena marrë në kundërshtim me ligjin, për arsyeje se u dashtë me marr para nëntorit te vitit te kaluar, dhe ne fuqi mbetet rregullorja e vitit te kaluar, si rregull duhet me u shfuqizu vendimi në kuvend.

Meqë nuk pati me diskutime tjera kryesuesi e hodhi në votim këtë pikë të rendit të ditës, prezent gjatë votimit ishin 7 anëtar dhe votuan në mënyrë unanime të gjithë anëtarët e KPF-së, që kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën e gjashtë të rendit të ditës: **6. Propozim Vendim për financimin e projektit Start-Up nga kategoria e subvencioneve**, i keni dhjet propozim vendime te njëjta.

Drejtoresha për zhvillim ekonomik, Egzona Jetullahi- sa i përket kësaj pike të rendit të ditës bazohet ne vështirimin e nenit 58 paragrafi 1, nen paragrafi h, të ligjit për vetëqeverisje lokale nr 03/L-40, NENIT 34.6 TË Statutit të Komunës së Drenasit, Rregullores 12 nr. 320-19338 për kushtet, kriteret dhe procedurat e ndarjes se subvencioneve, rregullores MF-NR04/2017 mbi kriteret, standardet dhe procedurat financimit publik të OJQ-ve, vendimi nr 12 nr 400-37743 të datës 03.07.2018 për plotësim ndryshimin e rregullores nr. 12-320-19338, për kushtet kriteret dhe procedurat e ndarjes se subvencioneve, thirrja publike e cila nr.05-070-41076 te dt. 24.08.2021. Rekomandimi Nr. 01-020/04-65728 të dt. 24.12.2021, pastaj buxheti i miratuar nga Kuvendi i Komunës së Drenasit për vitin 2021, me propozim të drejtorisë për Zhvillim Ekonomik, ne si drejtori kemi të drejte te bëjmë ndarjen e subvencioneve, ka qenë aplikacioni i hapur për të gjithë të interesuarit e Komunës së Drenasit që te aplikojnë këtu dhe përfituesit janë zgjedhur. Unë këtë për kuvend e kam sjellë si një pikë të vetme ndërsa në kuadër të saj kanë qenë përfituesit duke u bazuar në rregulloren paraprake dhe neni t që i lejohet kryetarit të komunës dhënia subvencioneve deri në vlerën 1500 €, komisioni ka vendosur që përfituesit në bazë të planit te biznesit të kenë shumën më të madhe se 1500 € dhe kjo si pikë e rendit të ditës duhet të kalohet në kuvend në bazë të atij vendimi pastaj kryetari ka te drejtën e nënshkrimit te ndarjes se këtyre subvencioneve. Të gjithë materialin e keni te gatshëm si ka shku procedura.

Florentina Elezi, e përgëzoj drejtoreshën për këtë nisme, mirëpo materiali na ka ardh pak i mangët psh ne i kemi vetëm emrat e personave që kane përfituar por nuk i kemi as një plan biznesi, ne nuk e dina prej asnjërit nga këta se çfarë biznesi kanë, ose cilat janë përfitimet siç kanë qene kriteret, për me i punësu një ose me shumë punëtor. Propozoj që më u shty kjo pike e rendit të ditës ose për seance me na sjellë materialin e kompletuar, për me qenë të informuar për secilin biznes se çka po votojmë dhe cilat janë ato biznese, sa kanë aplikuar, sa kane qene përfitues

Drejtoresha për Zhvillim Ekonomik, Egzona Jetullahi- komisioni është ai i cili ka vendos për përfituesit, gjitha dokumentet që i kam kërkuar prej komisionit mi kanë sjellë, mirëpo e kërkoj prape materialin dhe e sjelli për ne kuvend.

Kryetari i Komunës Ramiz Lladrovci, subvencionet që janë mbi 1500 € edhe rregulloren kur e kena bërë unë kam kërkuar që mos me e dhënë asnjë subvencion pa kaluar përmes kuvendit por MAPL-ja na ka kundërshtuar e ka refuzuar, ky është një aplikim që e kanë bërë bizneset START-up, komisioni e ka bërë vlerësimin, kush do që i intereson e ka në linkun e ueb faqes të komunës për çdo person që ka aplikuar dhe kriteret të cilat kanë qene.

Florentina Elezi, e kuptoj edhe ndjeshmërinë edhe seriozitetin e kësaj po të paktën veprimtaria e biznesit u dashtë me cek, se ne nuk e dina çfarë biznesi ka me operu.

Drejtoresha për Zhvillim Ekonomik, Egzona Jetullahi- unë mendoj që ndarja e subvencioneve është edhe obligative nga secila drejtori, ka pas aplikues shumë dhe kemi mundur me nda shumën në 1000 €, por nuk është e drejtë që t'ju hupet mundësia asnjë qytetari të Drenasit që të aplikoj më planin e biznesit ashtu siç e ka vendos komisioni me ide me të mira, dhe pa problem e kemi sjell edhe në kuvend, nuk ka pas ankesa nga asnjë prej atyre që nuk e ka përfituar, dy kanë qene që e kanë fituar mirëpo kanë dhënë dorëheqje për arsyeje personale me kërkesën tyre.

Hamit Haxhiu, sa i përket kësaj pike, jemi të mangët nga materiali, nuk me mi ndonjë faturë apo pro faturë se çka operon ai biznes, a ka edhe tjerë që nuk është aprovuar kërkesa e tyre?

Arbër Halilaj- edhe unë jam në parim që me i përkrah Start-up, dhe të subvencionohen në këtë formë, dhe me vjen mirë që kanë kompetenca qoftë kryetari me e bërë një gjë të tillë, krejt këto që po kërkojmë është për me qenë sa ma transparent, meqë ka të bëjë me financim, e përkrahi kur do që ka të bëjë me subvencionime.

Kryetari i Komunës Ramiz Lladrovi, po e shoh që të gjitha propozimet vendimet qenkan veç e veç me një numër protokolli mirëpo, i boni të gjitha me një protokoll vetëm i shkruani emrat rend e jo 15 vendime me një numër protokolli.

Kryesuesi i Kuvendit Milaim Hajdari, meqë nuk pati me diskutime tjera kryesuesi e hodhi në votim këto pika të rendit të ditës, prezent gjatë votimit ishin 7 anëtar dhe votuan në mënyrë unanime të gjithë anëtarët e KPF-së, që kjo pikë e rendit të ditës rekomandohet për kuvend.

1. Propozim Vendim për financimin e projektit Start-Up nga kategoria e subvencioneve
Kaltrina Dvorani.
2. Propozim Vendim për financimin e projektit Start-Up nga kategoria e subvencioneve
Fitore Bytyqi
3. Propozim Vendim për financimin e projektit Start-Up nga kategoria e subvencioneve
Besarta Elshani.
4. Propozim Vendim për financimin e projektit Start-Up nga kategoria e subvencioneve
Erleta Gjoshi
5. Propozim Vendim për financimin e projektit Start-Up nga kategoria e subvencioneve
Medina Hoxha-Hyseni.
6. Propozim Vendim për financimin e projektit Start-Up nga kategoria e subvencioneve
Qendresa Bajraktari.
7. Propozim Vendim për financimin e projektit Start-Up nga kategoria e subvencioneve
Mejreme Morina.
8. Propozim Vendim për financimin e projektit Start-Up nga kategoria e subvencioneve
Rajmonda Hasi.
9. Propozim Vendim për financimin e projektit Start-Up nga kategoria e subvencioneve
Hamide Gashi.

10. Propozim Vendim për financimin e projektit Start-Up nga kategoria e subvencioneve
Mihane Hyseni.

Kryesuesi i Kuvendit Komunal Milaim Hajdari- hapi diskutimin për pikën e 7 (shtatë) të rendit të ditës: **16. Propozim Vendim për formimin e komisionit për plotësim të ndryshimit të statutit Nr.12.-060/05-14928, të datës 30.04.2020, të Ndërmarrjes Publike Lokale “Stacioni i Autobusëve” në Drenas.**

Drejtoresha e Shërbimeve publike dhe emergjente Lumnije Krapci, në bazë të imellës e cila u dërgua më 21.12.2021 lidhur me këtë projekt nga kolegji i zyrtareve ligjor dhe pas rishikimit të Ndërmarrjes Publike Lokale “Stacioni i Autobusëve” në Drenas, është e nevojshme të bëhet plotësim ndryshimi i këtij statuti në harmonizim me statutin e të Ndërmarrjes Publike Lokale “Stacioni i Autobusëve” të draftuar nga kolegji i zyrtareve ligjor, dhe meqense e kemi ndryshimin e komisionit atëherë duhet të formohet komisioni i ri.

Kryesuesi i Kuvendit Komunal Milaim Hajdari, meqë nuk pati me diskutime tjera kryesuesi e hodhi në votim këto pika të rendit të ditës, prezent gjatë votimit ishin 7 anëtar dhe votuan në mënyrë unanime të gjithë anëtarët e KPF-së, që kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën e (tetë) të rendit të ditës **8. Propozim Vendim për formimin e Komisionit Vlerësues për zbatimin e procedurave të dhënies në Shfrytëzim të pronës së paluajtshme të Komunës.**

Pasi që nuk pati diskutime, vërejtje apo sugjerime kryesuesi e hodhi në votim këtë pikë të rendit të ditës, prezent gjatë votimit ishin 7 anëtar dhe votuan në mënyrë unanime të gjithë anëtarët e KPF-së, që kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën nëntë të rendit të ditës. **9. Raporti Financiar i zhvillimit të Buxhetit Janar –Dhjetor 2021.**

Drejtori i Financave Shyqeri Bublaci, dha disa sqarime rreth kësaj pike të rendit të ditës, ku dhe arsyetimi është tek propozim vendimi.

Pasi që nuk pati diskutime, vërejtje apo sugjerime të gjithë anëtarët e KPF-së, u pajtuan që edhe kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën dhjetë të rendit të ditës: **10. Lista e rreziqeve Komunale për vitin 2022.**

Pasi që nuk pati diskutime, vërejtje apo sugjerime të gjithë anëtarët e KPF-së, u pajtuan që edhe kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën njëmbëdhjetë të rendit të ditës: **11. Raporti vjetor i Komitetit Konsultativ për për Arsim Kulturë Rini dhe Sport. për vitin 2021.**

Kryesuesi i Kuvendit Komunal Milaim Hajdari-është obligative që Komitetet konsultative të raportojnë para kuvendit për punën një vjeçare të tyre.

Pasi që nuk pati diskutime, vërejtje apo sugjerime të gjithë anëtarët e KPF-së, u pajtuan që edhe kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën dymbëdhjetë të rendit të ditës: **12. Raporti vjetor i Komitetit Konsultativ për Zhvillim Ekonomik Mbrojtje të Ambientit Shëndetësi dhe Mirëqenie Sociale për vitin 2021.**

Pasi që nuk pati diskutime, vërejtje apo sugjerime të gjithë anëtarët e KPF-së, u pajtuan që edhe kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën trembëdhjetë të rendit të ditës: **13. Raporti vjetor i Komitetit Konsultativ për Komiteti për Barazi Gjinore për vitin 2021.**

Pasi që nuk pati diskutime, vërejtje apo sugjerime të gjithë anëtarët e KPF-së, u pajtuan që edhe kjo pikë e rendit të ditës rekomandohet për kuvend.

Kryesuesi i Kuvendit Komunal Milaim Hajdari- hapi diskutimin për pikën katërmëdhjetë të rendit të ditës: **14. Të ndryshme.**

Kryetari i Komunës Ramiz Lladrovci, e kemi edhe një pikë për mbledhjen në kuvend propozim vendim për lirim nga pagesa e peronizimit për kompanitë e transportit publik të udhëtarëve me autobus për linjat urbano-periferike dhe nder urbanë që shfrytëzojnë stacionin e autobusëve në Glllogoc për operim. Ne për shkak të pandemisë i kemi liruar të gjitha bizneset po ashtu edhe operatorët e transportit publik, për 6 muaj.

Florentina Elezi, me sa di unë komuna e ka një psikolog, kisha kërkuar që me raportu për punën e tij

Kryetari i Komunës Ramiz Lladrovci, psikologu i komunës ka shumë punë, ne e kemi vetëm një psikolog, qeveria e ka miratuar me e rrit numrin e psikologeve ose sociologeve, ne do t'i kemi edhe tre sociolog, psikologu i komunës merr pjesë çdo seance çdo problem që kane fëmijët nën moshën 18 vjeçare dhe i trajton të gjitha këto probleme, psikologu nuk mundet me shku dikun që nuk asnjë informatë me e trajtu ose kshillu dikën pa pas një informatë.

Arber Halilaj, paralelisht çështjen që e ngriti Florentina, edhe duke e ditur qoftë kufizimet buxhetore, duke i pas parasysh gjitha këto, me gjet një modus që komuna me bë ndonjë marrëveshje me qytetin e Prishtinës duke e ditur që viti i tretë i studimeve universitare e ka obligative për të bërë praktik qoftë me pagesë apo pa pagesë.

Kryetari i Komunës Ramiz Lladrovci, çdo student që bëjnë kërkesë për praktik ju lejojmë praktiken, praktika behet pa pagesë, mirëpo ata nuk kanë të drejte me i trajtu rastet shërbimet i kryejnë mirëpo nuk marrin ndonjë vendim a diçka.

Azmine Bujupi-Gjoka, nëse ka buxhet komuna për me e realizua kantatën kolektive, për arsyeje se është e nevojshme.

Kryetari i Komunës Ramiz Lladrovci, gjitha këto buxhete që po flasim ne i cakton qeveria, pra ne nuk kemi buxhet për kontrata kolektive, janë probleme të cilat i realizon niveli qendror jo ne.

Hazir Elshani, kontributi im është i rëndësishëm edhe ne institucione arsimore edhe këtu ku ka nevojë njerëzit me marrë informacion të përgjithshme, ne si komunë kemi për obligim me funksionu me ekipin komunal për vlerësim të fëmijëve me nevoja të veçanta me pëlqimin prindit, pa e dhënë nënshkrimin prindi nuk na jepet e drejta për me shku me trajtu atë çështje.

Azemine Bujupi-Gjoka, a keni ndonjë raport me na tregu cilat shkolla kanë kërkuar që me shku, me ni trajtua fëmijët me nevoja të veçanta.

Hazir Elshani, ato raporte unë i kam dhe ne çdo kohe dhe rrethanë kur bënë kërkesë drejtori i shkollës brenda 10-15 ditëve me udhëzim administrativ ne i përgjigjemi shkollës, ne e kryejmë punën tonë, numri i fëmijëve të regjistruar nga ekipi komunal është 65 fëmijë, dhe janë në arsimin gjithëpërfshirës.

Pasi që nuk pati diskutime tjera kryesuesi e konsideroj të mbyllur mbledhjen e KPF-së. Mbledhja përfundoj rreth orës: 11:15 min.

Procesmbajtëse:



Liridona Fejza-Ajazi

Kryesuesi i Kuvendit Komunal



Miraim Hajdari